



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 138. Baji altercationes cum Marnixio Sanct-Aldegondo.

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

§. CXXXVIII.

Sæcul. XVI
A.C. 1578.

*Baji altercationes cum Marnixio
Sanct - Aldegondo.*

Cum hæc contentio fervere cœpisset, *Bajan. t. I. pag. 235. & t. 2. p. 204.*
simul etiam Bajus cum alio quodam adversario in arenam descendere cogebatur. Hic erat Philippus Marnixius Sanct - Aldegondus Calvinistarum sectæ additissimus, qui armis potius, quam calamo idoneus ad Bajum plures quæstiones circa S. Paginas, Ecclesiam, necnon circa hæc verba Christi Domini: *Hoc est Corpus meum* transmisserat, ac de Ecclesia sequentes proponebat quæstiones.

I. *An Ecclesia, ejusque constitutiones, seu traditiones nullum habeant principium aliud, nisi consuetudinem eorum, qui se profitentur Romanam sectari Religionem, quam vocant catholicam?*

II. *An hoc principium, si quod aliud est, constet pagina sacræ Scripturæ sola?*

III. *An Ecclesia tribuat auctoritatem verbo Dei, an potius verbum Dei, Ecclesie auctoritatem, atque regulam conferat?*

Insuper alias quæstiones movit circa Eucharistiam, & quidem. I. *An hæc Christi verba, hoc est Corpus meum, contineant propositionem identicam, atque idem significantem, quod: corpus meum est corpus meum? An vero attributum corporis, attribuatursubjecto significato*
per

Sæcul. XVI. A.C. 1578. *per pronomen, hoc, tanquam diverso a suo attributo? II. Et si attribuitur tanquam diverso, an attribuatür substantiæ, ita, ut hæc verba (hoc est corpus meum) idem significant, atque hoc est substantialiter, ut ita dicam, corpus meum? an potius attribuatür sacramentaliter, ita, ut ea verba nihil aliud significant, nisi hoc est sacramentaliter corpus meum, seu, corpus meum dicitur de hoc, quod vobis do, plane ut Sacramenta dicantur de rebus, quas significant, & sua institutione demonstrant, quemadmodum Augustinus in libello de Doctrina Christiana docet, Sacramentum fidei fidem esse, & Sacramentum corporis corpus, & Sacramentum fœderis fœdus, & Sacramentum verbi Dei ipsissimum verbum Dei, non quidem substantia; sed usu, institutione, repræsentatione, ac significantissima exhibitione ante oculos fidei.*

III. Quo argumento doceatur, vocem *EST* in hac circumstantia significare substantialitatem? liceat enim ita loqui.

Ceteræ omnes præfati hæretici quæstiones ferme in idem reincident, quibus has voces, *hoc*, & *est*, explicari petiit.

*Resp. Baji
ad Max. t. I.
pag. 239.*

Mota hac controversia Bajus equidem propitiam nactus esset occasionem, qua suam eruditionem, necnon suum studium erga Romanæ Ecclesiæ doctrinam ostendere potuisset: verum Bajus hac

Sæcul. XVI,
A.C. 1578.

hac occasione pessime utebatur; quippe Marnixio adeo non animi sui cæcitatem depulit, aut illum ad veræ Ecclesiæ finem, prout se jactitabat, revocavit, ut potius per sui responsi imbecillitatem eundem magis in suo errore firmaret, ac semetipsum difficultatibus implicaret, quæ ejus causæ plurimum nocent; quippe quidam ex Ordine Fratrum Minorum nomine Franciscus Horantius huic disputationi sese ingerere cogebatur; cum enim Bajum tunc Lovaniensem Cancellarium Protestantibus victas manus dedisse cerneret, ipse ejus responsionem aggrediebatur, illamque confutabat, prout in Historiæ progressu memorabimus.

Ferventibus adhuc hisce altercationibus cum Aldegonde habitis Bajus Anno Christi millesimo quingentesimo septuagesimo octavo in Lovaniensi Universitate Defensor privilegiorum nominabatur, atque hoc munere novis etiam honoribus auctus est: porro paulopost nova apologia sententias, quas suis scriptis contra Marnixium insperfit, vindicare nitebatur, simulque die decima nona Julii tractatum suum de communionem sub utraque specie perfecit. Fertur quoque, quod tunc suo etiam opusculo de Ecclesia ultimam manum admoverit.